



DEO OPTIMO MAX.  
UNI ET TRINO.

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,  
QUOD LIBETARIIS DISPUTATIONIBUS  
*manè discutienda, in Scholis Medicorum, die Martis*  
21. Februarii. 1730.

M. JOANNE - BAPTISTA SILVA;  
A CONSILIIS CUBICULI REGII,  
SERENISSIMI DUCIS BORBONII ORDINARIO  
Medico, Doctore, Præside.

*An semper in Inflammationibus Revulsio?*

I.



I quantum in Theoretice sanguinis intrà vasa circumacti Inventio potest, tantum in *Praxi* recta ad sanguinis missionem Partium electio valeret; non minus hæc prosperis diraretur Successibus, quam illa præclaris Speculationibus illustrata est. Ut autem Homines ad captandas vanæ superstitionis opiniones promptissimi, sic ad amplectendam, si quandò nuda, simplexque proponitur, Veritatem maximè segnes & tardi videntur. Ipsos à veri præfatione sæpè deterret diffidentia, invidiæ, non priùs auditum refugium ab alio accipere. Nobile quodlibet inventum suffragia non primùm, aut raro sequuntur, quæ tamen series temporis abripit. Circulari motu sanguinem agi detexit elapsa nuper ætas; hujus verò moris usum ad *Praxi* nostra determinat; quippè quæ corporis varias variis pro morbis partes ad venæ sectionem eligere doceat. Omnium qui manant in humano corpore liquorum velut fons & origo sanguis. Congeneres sibi morbos pariunt humores; ex sanguine autem ipso proximè pendent Inflammationes; : dirum sanè morbi genus!. Omnes indiscriminatim corporis

A

partes adurit, & in quâlibet varia producit accidentia, sub acutis doloribus, & semper cum febre. Universum quum oppetit Caput, surgit dolor præsens, maximèque acerbis: rubet cum tumore facies: venæ distantæ solito magis intumescunt: Arteriarum turgidæ acrius pulsant, præsertimque sub temporibus: oculos aperire Ager præ dolore non audet: urget diem nox, & dies noctem, nec est levamen: urina copiosa & limpida; sæpe-numerò adventitia torret Febris, tunc magna pulsus agitatio, magnus impetus: crebra fit respiratio: lingua sicca, scabra, subamara, & ad radicem nigricans: siti encensus ager atidis pocula faucibus trahit: insuperanda tentant cum insomnia, & tunc quum sui vel maximè compos videtur, interdum insulsißima quæque debilaterat: urina rubra est, & sedimento carens. *Meninges* præcipuè si occupat Inflammatio, lucidi quasi concipiunt ignem oculi, vel madentes nonnisi tardè moventur, humor & in genas furtim labitur: nec faciei color, nec mens ægotanti certâ sede manet, interque morbi crudescens accessiones, fugacia accidunt deliria: quidquod & pulsus levi sæpè momento varias accipit mutationes, demissus alternatim & elatus, debilis ac validus, segnis atque concitatus: *Carotides* vehementius, quàm reliqui corporis Arteriarum quatiuntur; spasticos partibus in variis, scilicet manibus, pugillique maxime nervis discernas subsultus: digiti solito magis inflati vix contrahuntur, urina flammea & lucida: ut plurimum surditas accidit, tunc aliquandò è Naribus sanguinis eruptio, aut vox intercipitur, aut collum vehementer dolet: quid accepturus ager manibus tremat: se supra latus porrectum amat, & in ventrem semè prostratus jacet: crura quasi spontè è lecto desiliunt: jam mentem mirè commovet delirium: confabulatur, ridicula petit, seque in se interdum requirit: exposcit vestes propriæ debilitatis inscius, & è cubili surgere quum nititur, sapius & temerè ictus impingit obvio cuique, flebilis etiam sponsæ immemor, cruentum fert in astantes vultum, imprimitque manibus memorem dente notam, è strato surgere pertinax; at culpam mox pœna premit comes, frequenter enim illum recidere semivivum, nec sine altantium terrore videas: deinde præsentis laboris indolentia est: crucem torvis humi ponit vultum, digitis micat, vel ab ore flocculos eripere studet, vel stragulis legere, hæc sapius ad se relegere perpetuò nititur. Inflammata verò ipsâ cerebri substantiâ, tunc jacet caput aggravatum dolore sæpè magno, non tamen acuto laborat, sed sapius dolor est tacitus & merè aggravans: subtristis oculus pupillam habet distantem: languor summus est, febrèque major: inter initia morbi, implacata extant aliquandò insomnia, latèntque causæ: sapius in torpore invicto jacentem invenias: portentosa rerum simulacra sensibus, & menti se obicant: improbo somno adempta, ægro vix reddit lumina vigilia, nec meminit, nec se dormivisse putat: lumen, rutilans refugit oculus: velox & laboriosa respiratio: aliquandò pulsus qualis in sanitate: urina sæpè sine ullâ vitii notâ: nonnullis intumescit venter: præsens est vertigo tenebrosa, ipsi sibi aliena loquitur ager, sterctisque supinus: semi-aperti oculi nocte caliginosa premuntur, vel sub palpebris tardè motitantur tumidi: transpiratio & exspiratio præter consuetudinem malè olent; si longius procedat morbus, omnia in meliora converti dicas: infida Pax! & latifera supurationis prænuncia. Si Fauces impetit Inflammatio, caput movere nec audet, nec valet ager: capitis autem dolore, ac vigiliis urgetur: magna respirandi difficultas absque ullo thoracis & pulmonum vitio; crigiturque supra dorsum, obvias hiando ut capiet auras: albo, lentoque mucò obducta est lingua, quæ livida deinde, nigra, inflexa, vel retorta: aliquandò nares humore manant: oculi rubent & illacrymantur: os aliquandò spuma inficit: tenui se voce refert: sitim restinguere optat, ad Nares autem resiliere solent assumpta: videt, auditque obtusè: vel acutissima quum sit febris, suffocationis imminet periculum, nec ullus apparet tumor: jam facilius spiritum ducere videtur ægotans & deglutire:

3  
salutis spes fulget, at præceps sanitatis status spem vetat longam inchoare, namque rubor si extrâ non vertitur, repente, prægresso animi deliquio, obrepit mors; aut in cervice rubor simul & in pectore si apparet, maxima, crebrâque fit *Carotidum* arteriarum contractio: spiritus foras erumpens fuliginosus: foetidus halitus: sudores tunc salutiferi: deinde pulsus fit inæqualis, si transferuntur in Pulmones morbi semina: Delirium, effervescente febris, sequitur: aliàs madore uberrimo totum perfunditur corpus: vox cliditur: tunc æger videt omnes, neminem discernit: oculis licet semi-apertis, nihil intuetur: auditur sibilus, ac plenus fervet in gutture pulmo, mortisque fert omina. Thoracem dum ferit Inflammatio, sæpè invadunt horrores, deinde febris fit continua, acuta, & serotinis horis acerbior: vomitiones aliquandò interfunt morbi primordiis: jam si xus & veluti pungens angit lateris dolor, qui circâ dorsum aliquandò serpit, nec raro ad sternum recurrit, quandòque inter scapulas, quandòque sub unâ tantùm scapulâ, & Jugulo ac Mammæ communicatur, præsertim dùm tussit, quod frequenter & molestè: pulsus exiguus, perdurus, & velox: Respiratio crebra & difficilis, cumulataque fit aliquandò cum suspirio: per omnes inspirationes Narium pinnae dilatantur: plurimus in pectore strepitus: sputa sanguinea cum tussi acerbâ ejiciuntur: urina rubra & crassâ, cum nubeculâ oleosâ innatante: Alvus astricta, vel si soluta nimis & cruda, in pejus ruit valetudo: tandèm in unum latus per decubitus, dolor tendens molestat, acerbiorque fit tussis, quàm in alterum: nulla acquiritur quies: eò acerbiora autem hæc omnia accidentia, si sit thoracis collapsi angustatio atque gibbositas; sudores ab initio morbi, malum portendunt, & simul si nunc nupèr præcesserit horror, pessimum, materiam jam suppurasse significatur; deniquè vultus demissior, oculi aureo colore suffusi, & caligine obducti mortem prænunciant. Inflammatione laceßit *Diaphragma*? quis dolori sit pudor, aut modus nemo dicere queat: indecora corporis compositio: tremula respiratio: suspiriosi anhelitus, frequentia verò, brevia, & acerbâ suspiria: nunquam datur sternuendi libertas: pulsus exiguus, durus, ac contractus: urina tenuis admodum & pellucida: ad infimam dorsi, ac supernam Lumborum spinam dolor: abdominis latera revulsa, & duri: Ritus fardonicus, deinde fulgentes sunt oculi, & delirium remissionis expertus sequitur. Stomacho inflammato, dolor ardens excruciat pulsans, ac per totam superiorem ventris regionem pungens, sæpius ad usquè dorsum pertingens: scapulæ deorsum trahuntur: Respiratio minus facilis, sicut & deglutitio, si ad gulæ canalem usquè pertingat inflammatio: magis rubra facies, quàm natura dat vulgò videri: tumor adest conspicuus in medio *Epigastrii*, hujus autem distentio & durities, non sine dolore prementi obnitens: Arteriæ *gastricæ* pulsatio, tangentis manum maximè feriens, præsertimque post assumpta, atque quasi repetita partis elatio: sequitur singultus, in quibusdam vomitio frequens, nonnunquam cruenta: nulla saliva: urina qualis in homine sano, sæpius flammea: lingua rubra, vel albissima: à calentibus jussulis caput avertit æger, frigidusque cum recreat potus: universum corpus consentit laboranti stomacho: sæpè exteriora rigent, interiora uruntur: cordis & interdum palpitatio: in Abcessum ubi transmutatur materia morbi, manus intumescit, iridèm & pes lateris oppositi: si frigidus spiritus, jam in angusto sunt res ægri. Dùm Hepar occupat Inflammatio, rubro vultu reñidet æger, fuscus tamèn, ac viridis inest non raro faciei color, reliqui verò corporis ad icterum vergens: summum cibi fastidium: color linguæ primum ruber, postea obducitur lentore flavo, dein nigricante: dextro ventris latere, ad spurias costas, tumor inest, cum obscuro dolore, qui acutus sæpè, si in jecoris membranis affectio; alioquin dextrum in latus cubanrem, surdus angit dolor, at in sinistrum acerbior: supinus autem tolerabilis decubitus: lateri dolenti admotâ manu, varium inflammationis gradum, ex tumoris magnitudine,

calorisque sensu percipit Medicus perspicax: pulsus maximus, durus, inæqualis: sanguinis è naribus eruptio: in quibusdam ardens in volâ manuum, pedumque plantâ calor molestat: non nullos commovet sicca tussis, spirandique difficultas: quin etiam frequens aliquandò movetur singultus: minùs urinæ meitur, hæc autem acris, flammea, & lateritia: alvus est astricta: nausæa, & vomitus biliosus, vel grave ventris profluvium; horridores si accidunt, pus generatur. Quùm autem inflammatur lien, lividus est faciei color, sæpè rubentes mæle: difficilis spiritus ac velût intersectus, præsertim dextrum in latus eubantibus: sinistro autem abdominis in latere, obtusus dolor, qui non rarò ad *diaphragma* & humerum usquè sinistram extenditur: gravitas etiam accedit in eodem latere, pulsatio obscura & tumor, qui ut chorda tensa interdum renititur: lentor nigricans linguæ adhærens: quandòque nigri sanguinis fit vomitio, & per secesum ejectio. Si Renes adoritur Inflammatio, dolor cum gravitatis sensu circà lumborum regionem fixus est, quandòque acutus & pungens, atque sternutamento, vel tussi ingravescens: *Aorta* trunci descendens, emulgentiumque arteriarum percussio non molestat parùm: ardor urinæ sollicitus: urina autem pauca, primò tenuis, postcà rubicunda, crassâ tandem evadit, sanguineque non-nunquàm permixta: doloribus mirè agitur æger, sc circumagit, neque pedibus inniti, neque erectus stare valet, neque in ventrem decumbere potest, neque in latus oppositum, si alter-uter renum inflammatus sit; supinè verò decumbente, molestus augetur lumborum calor: stupor in crure lateris affecti percipitur, & ad colicum usquè pervadit dolor: in plerisque assidua vomendi cupidò, nullum autem à vomitu levamen: sudores fiunt frigidi: sæpè artus cum horrore algent. Si dolor in imum incidit ventrem, vesicâ inflamatâ, cruciatùs inter emititur urina, quæ pauca & sine *πύρον*, sanguine autem aliquandò contaminatur: pubis regionem, occupat dolor, & ad *πύλον* tendit, quin & colis usquè ad extremum cum pruritu, calore, & rubore: crebra desidendi cupiditas: aliquandò alvi suppressio: deindè tensio abdominis, cum stranguriâ, quæ si diutius perseveret, superveniente febre, suffocatus perit æger: vel *Erysipelas*, si externâ in cute repente oboritur, urinæ exitu concessò, solvitur Morbus. Inflammato *mesenterio*, quædam in abdomine resistentia, ab exploratrici manu percipitur: dolor est circà lumbos non sine percussione divellens: vehementer moventur *mesentericæ* arteriæ: maxima cibi inappetentia: dejectiones fiunt chylo permixtæ, quibus purulentus, ac tenuis humor plerùmque succedit. Ubi in Intestina fertur Inflammatio, quædam spirandi, & meiendi difficultas: summus præcordiorum æstus: arteriarum *Gastroepiploicarum* & *Mesentericarum* pulsatio: dolor acutissimus in ventre lancinat: assidua desidendi cupiditas, cum torminibus, & Præcordiorum coarctatione: dejectiones autem primò albæ æquales, paucæ & opimæ, deindè flavæ simul & paucæ & opimæ, postcà strigmento similes, tandem cum carunculis, spumosæ, argutinossæ, lividæ, nigre, & grævolescentes: membra omnia ingravescent: vomitus fiunt biliosi, & assidui: sæpè comes est jecoris dolor, & algor membrorum: Pulsus exiguus, & durus: accedunt vigilie, & deliria, tunc cordis tremor, animi deliquium, singultus, sudor exuperans & frigidus, atque extremorum refrigeratio. Mira, inflammato Utero, præeunt accidentia; distento nempe tumet porrectus abs inguine uterus: calor molestus, repetita percussio, & acerbus dolor, qui ad lumbos extenduntur: crus alterutrum, non rarò utrumque gravitate quâdam afficiuntur: tumentes sunt uteri cervicis venulæ, & osculum interitus tumidum, & retractum est: magno cum labore ægra movet corpus: quùm supina jacet, vix haurit aërem, si suprà alterutrum latus decumbat, dolores ingravescent maximè: sæpè spiritu retento rubet facies, ac interdum quasi ad partum nititur: hæmorrhoides inflammantur, & infestant: rectum ad usquè intestinum grassatur Inflammatio: Alvus compressior, interdum remissior: sæpè vesicâ læditur,

læditur, & urina supprimitur, hæc autem in dolorum exandescentiâ tenuis & limpida, in remissione verò, crassâ maximè & turbida evadit: deindè purulenti quidam humores & foetidi utero exudant: suspiria profunda emittit ægotans, omnèsque in Medicum deponit oculos, oculi autem lucidi, iniqui, & mædidi illacrymantur: incredibilis sinûs pudoris pruritus, & mira non nunquàm cocundi libido: horrores sæpius inordinati surgunt, plerùmque tamen compositâ horâ ad vespèram recurrunt; deindè febris fit maxima, sequitur delirium, singultus, syncope, convulsio, & extremorum refrigeratio. Externam quandâ partem occupat inflammatio, rubor, tumor, calor, & dolor, cum distensione, percussionis sensu, ac febre, oriuntur. Hæc autem omnia à sanguine, cujus genuinus in circuitum motus, in affectâ parte imminutus, interceptus-ve est; in hunc igitur tota Medentis intentio convertatur, ut nimium cruoris, læsam in partem affluentis impetum temperet, reditumque ex hac promoveat. Semper proderit quod juvabit vasa cruorem in ipsis morantem domare conantia: solâ hæc arte obicis resolutionem assequeris, & morbi causam tutò evelles.

## I I.

**FELIX** qui potuit genuinas morborum reperisse causas, atque perspicax in re tam arduâ, obscurâ tantum, cernit acutè! factus observationibus dives, ad illorum curationem securè transit. Abstrusâ sanè res, ipsum-met Ægotatum attigisse fontem. Medicorum longè doctissimus Hippocrates, veram morborum omnium, quorum rectè observarat accidentia, causam non ipse semper agnovit; hinc ad abditam supremi numinis virtutem confugere coactus, in morbis arguebat. Ut à Mechanicâ pluribus Legibus, ac diversi-modè ordinatâ pender sanitas, sic à pluribus; diversisque causis procreatur morbus. E multiplici itidem fonte exurgit inflammatio, quæ duplex: propriis in sanguinis vasis una conficitur; lymphaticis in tubulis conflatur altera; ita ut hæc sine illâ nunquàm existat, nec vice versâ: abs inordinato autem sanguinis motu circulari, propriò-ve pender utrâque. Mirum quàm variis flexibus, & inoculationibus implicita corporis vasa. Omnia tam sanguifera, quàm lymphatica, excepto communi *Aorta* trunco, in conum desinunt; ita ut à corde remotior Arteriarum extremitas, his singularim spectatis, conî apex sit: collectim è contrâ sumptis conî Basim constituant ipsarum fines; omnes scilicèt arteriarum rami, capedinem simul efformant majorem trunco, ex quo prodeunt; iterum & pauciores illi atque exiliores, capillaribus venis, quibus inoculantur: quis Anatomix gnarus hoc nescit? Sciat & corporis liquores ab angusto, in latum per arterias fluere. Perpetuo autem in nîsu sunt humores; & vasa movent: at nil sine his illorum possunt impetus. Quicunque corporis terminus obstitit, hunc tangit sanguis. Ex sanguiferis, lymphaticæ procedunt arteriæ. Corporis nulla pars, quæ ex ipsis nutritionem non mutuatur; omnis proindè corporis pars, inflammationis sedes. Ubi lentescens sanguis, vel rarescens moratur, atque residet in arteriarum præsertim capillarum extremis, maximè ad fines, ubi in venas desinunt arteriæ: inoculationis punctum transcendere nequit arteriosus cruor: abs obice ferocior currit: truditur sanguis sanguine: sicque augetur obex; distentâ etenim posteriore canalî parte, angustatur anterior; hinc vasorum parietes ictibus crebris quatit protervus sanguis: hinc calor, hinc Percussionis sensus, hinc dolor: nunc & latentis proditor, intimo calidus sanguinis ebullientis æstus: turgida sanguine vasa comprimunt vicina, compressionis punctum sanguini per latus fluenti ponit obicem, sicque augetur inflammatio, ac serpit: sævit autem circâ obicem sanguis quarens sinubus aviis sedem, & obliquo laborat fugax trepidare rivo. Sanguis pleno nimis flumine repens, turbido impetu adveniens, & parçè nimis rediens,



secrectiones omnes pervertit, pro lymphâ sanguis, arteriarum lymphaticarum ostia subit, & ad ejusdem generis venas sæpè pervenit, in quibus morâ pervertit ad suppurationem tendit; vel lymphatici ipsi tubuli, nimis quàm distenduntur, sive à lymphâ rarefactâ, sive quodd dilataitis sanguiferarum arteriarum parietibus, lymphaticarum ostia in illis hiantia, necessariò distenduntur, in has subrepiit cruor : vi geritur res; currit enim ferox sanguis, dum negatâ tentat iter viâ, atque resistit & à structurâ lymphatici vasis, & ab ipsâ obstante lymphâ ortam evineit : sanguis verò subsequens temerè insequitur, & vi intruditur in vasa heû nimis pleno jam turgida alveo, quæ fuerant lymphæ sedes : sic sanguis ardens properat cundo in hæc adigi, inflammationemque eiere : sic & limpidos inficit rubro colore rivos : sic partes corporis naturâ suâ albiissimæ, rubrum mentiuntur colorem inter inflammationem, & crescentem sequitur dolor, quàm rami nervorum turgidos illaqueunt tubulos. Sanguis si per *carotides*, vertebralésque arterias velocem corripit gradum ad caput, parciusque ex hoc refluit, tunc infarctis sanguine vasis distenduntur membranæ; Cephalæa est. His autem vertebralibus, internis *Carotidibus* quàm in *Meninges* irumpit, hæ pluribus eruoere turgidis vasa distinguntur; *Phrenesis*. Si eodem impetu in cinerem cerebri partem, simul & in albam fertur, tunc illa subrubicunda fit : plurimis verò rubris hæc variatur punctis; & quàm in cutis Glandulas unâ, per varios tum ramorum *Aorta* superiorum, tum inferioris sureulos influit eruoer spisso quodam æ fixo humore permixtus, suppuratione concipiuntur tubercula, & sunt *Variolæ*; at verò, si alio humore acris, tenuisque contaminatus sit; *Morbilli*. Si disseminatur intrâ cutem per maculas; Febris purpurea. Sanguine in externâ cerebri parte adacto, hæc elatior fit, & propriâ se mole comprimit; Stupor habetur. In cerebri, & cerebelli medullium, ac sinus, luxuriosè ubi effunditur sanguis & stagnat, cerebrum opprimit, & medullam *oblongatam*, *spinalemque*; Apoplexia. Si lucidas cogitur inire sedes, quàm per ramos externarum, immò & internarum *Carotidum*, in tunica oculi adnatam truditur; Ophthalmia parit. Quàm verò in superiorem *Fistulæ* pulmonariæ partem, per sureulos ex *Carotidum* truncis germinantes appellitur; angina. Dum à *Subclaviis* per ramos *intercostales*, ad binas costas superiores utrimque, itidem & per *intercostales* inferiores, ad infimas subsequentes costas, in *Pleuram* fertur tentator Membranæ sanguis; legitima conflatur *Pleuritis*; si per *Thoracicas* abs *Axillari* oriundas; spuria. Quando per emulgentes arterias copiosè ad renes delatus sanguis, ex his parè nimis revehitur, glandulososque in tubulos adigitur; *Nephritis*, simulque aliquandò *Dysuria*. Si in vesicæ substantiam, per *Hypogastricam* arteriam irumpit eruoer; *Ischuriam* creat, & sæpè *Dysuriam*. Quàm verò pudendas per arterias, ad vesicæ collum, & ad urinæ canalem advolat; Stranguriam, quandòque *Ischuriam*. Ubi sincerus sanguis in lymphatica cutis vasa transit; *Erysipelas* oritur. Humore tenui & bilioso animatus, per cutem serpit? *Erysipelas*. Cœnosus ubi præsentè febre vehementer ardente implicat se, vel sub Axillas, vel ad Inguina, aut ad Parotidas; Bubones exurgunt. Tandem quâlibet in parte, corporis interna & externa metendo sanguis, rapido vortice feratur, vixque suis excipitur vasis, lentescensve in minimis moretur, ac ignavè referatur, aut alienis in sedibus tumultuet, accidit Percussio, Calor, Dolor, Rubor, Elatio, Intensio, uno verbo *Phlegmone* mirum quanta damna ferat sanguis subsequens, anteedentem in affectâ parte premens; tunc enim fortius intruditur, compactior fit obex, pertinaciorque mora, arque lymphatica magis æ magis violantur vasa; obstructions se augeat tumultuans sanguis, inflammationemque aggravat, vasa usque & usque distendendo; hinc minus contrahuntur, minus resistunt, ipsorum tuniæ tenuiores fiunt, & si diutius vigeat morbus, disrumpuntur, fit & suppuratio. Ex his conicere licet, quàm opportunum sit, quàm utile ab affectâ parte sanguinem avocare : quàm

intempestivè autem ad ipsam derivatetur, advocateturve. Quùm igitur circulari motu sanguinem agi, jam liqueat, fructum inde capiamus; eaque notitiâ ducti mittamus in lucem quas in celebrandis variis venæ sectionibus Leges, prout eas quas ipsa in sanguinis circumactu natura servat, simul & conformes observationibus à Medicinæ *Πράξι*, suppeditat, nos & ipsi servare teneamur.

# I. I. I.

**A**B omnibus retrò sæculis passim & ubique commendata sanguinis missio est: quo sanè Remedio nullum in Medicinâ tutius, efficacius nullum; nec non illi datas ab omnibus omnium ætatum Medicis, laudes quotidianas, Theoretice nostrâ juvante, confirmat usus. Cunctis enim quibûsque venæ sectionibus, copia sanguinis ad cor per venam apertam reflui, sanguinisque porro de corde ad partes fluxuri minuitur; hinc Artus singuli sunt aequaliter illius Egestionis participes: nempe vasis sanguine redundante pariter exoneratis, pariter decrescunt Elatio, Calor, Intensio, Rubor, Percussio, Dolor; & Oppressio; mitescit etiâ pulsus. Vasa autem detumentia, majori contractione vigent, ac libertate, ut & agant, & se se restituant; hinc igitur Pulsus evadet expeditior. Jam contractio- nem vasorum majori ac liberiore, simul & sanguine minùs in vasis coacto, minore vi contrà Parietes illorum hic illidetur, & impulsui faciliùs cedit, atque reciproci utriusque motus magis librati manebunt, adde quòd promptior erit sanguinis circum-actus; frequentior igitur Pulsus, utique simul & æqualior. Quid plura? contractiones vasorum auctæ, potentiùs in sanguinem agent; potentiore autem vasorum in sanguinem Actione, sanguis quoque fiet magis & divisus, & dissidens minùs in suis principis: Quùm verò sit rapidior sanguinis circum-actus, ita vasorum in sanguinem actio frequentior; hincque colis sapiùs obvius erit arteriosus cruor: his verò minùs compressis. Liberiores evadent secretiones, purgantiæque faciliùs agent; denique sanguis aliquâ suæ molis parte minutus, in vasis faciliùs, expeditiùsque intus moveatur; alterantia tunc faciliùs per liquidum feruntur remedia, sanguinisque partibus magis intimè miscentur, vimque suam tutiùs & efficacius in illas exercent. Demùm, si quid in nativo sanguinis motu inordinatum, id venæ sectio corrigit, quæ merito quidem tanquàm *ὑγαινωτική*, remedium, omni avo habita fuit. Gratulari nobis præterea possumus, quòd prospera undè pendeant sanguinis missionis commoda, clariùs Neotericis, quàm veteribus notum sit; hi etenim paludosum nescio quem, quùm sanguini tribuerent motum, compluribus de sanguinis missione, in erroribus necessariò versati sunt: Neoterici autem erroris circumactu instituti, certam variis in casibus, variis & ex partibus, sanguinem mittendi rationem determinare possunt. Tantos enim quanti sunt in illâ, fructus percipere volenti non sufficit, quolibet conveniat in morbis, variæque illius celebrandæ tempora pernoscere; quâ corporis parte, pro diversis quibuslibet casibus, scire præsertim expedit. Reverà sanguinis missio spectata tantum ut egestio, quâ quadam cruoris in vasis contenti quantitas emittitur, quoquo in membro fiat, nil interest; ejus nempe pendet effectus non à loco secto, sed à quantitate sanguinis educti. Illa sed egestio rarò fit, nisi revulsionem singularem & derivationem creare propositum sit: effectibus utriusque gravissimis & inter se oppositis, alterutrum, prout diversi casus exigunt, eligere prudens cogitur Medicus; & proinde decernere locum, venæ sectioni congruum, ut in agrâ parte, proposita fiat mutatio. Jam verò revulsio, derivatioque, licet diverso modo, ad omnes æqualiter sanguinis missiones attinent. Dum major cruoris quantitas in partem ex quâ emittitur sanguis, utique simul & vicinas in partes ex eodem Arteriæ trunco sanguinem haurientes, adducitur: Derivatio fit. Cruorem

verò parti undè sanguis elicitur, proximisque partibus deducendo, proportionem eandem, à remoris quas oppositus alluit arterialis truncus, avertitur ille : Revulsio. Una scilicet vacuatà parte, facilius ad eandem sanguini successuro datur accessus; omne nimirum, venæ sectione, in cruoris processu tollitur impedimentum, eodem remanente momento; quippe quàm brevior sanguini sternatur via, omnis evanescit remora quam passus fuisset, à loco resecto ad cor, per totum venæ tractum, tam ex parte vasis Parietum, quàm ex naturâ suâ, simul & partium adjacentium compressione, collabi tentant, quàm ex parte angulorum & sinuum in quos ruit, ac frangitur sanguinis Agmen ad cor tendens; tandem ex parte afflicto quem patitur omne liquidum contra vasis parietes, intrâ quas semper in nisu est, hocque magis, quò major fluidi moles: adde quòd sanguis aërem interfluens, huic minùs sui motùs impertit, quàm columna sanguinis intrâ venam antecedentis; hinc velocius, & proinde statuto tempore uberius, quàm antea, per incisionem venæ, cruor effluet. Sanguinis autem velocitas in reclusâ venâ nequâquam augeri potest, quin augeatur etiâ in Arteriis quibuscumque capillaribus ad ejusdem ramos desinentibus; necnon eâ in Arteriâ, undè suam singulâ capillares istâ originem trahunt. Sanguine nimirum rapidius abrepto, sequentisque proinde cursui resistente minùs; sic & posterioris aquâ proportionem crescere debet velocitas. Eandem ob causam hæc æ aucta velocitas secundum arterialem omnino truncum à corde ad Arteriam quæ tota sectam in venam protruit, exporrectum communicatur. Ista sanè aucta velocitas à corde gradus habet impares præcisam usque ad venam, cui proximè respondentes Arteriæ, adauctum hunc motum penitus excipiunt; sed in arteriali trunco sanguinem his Arteriis, sicuti cæteris lateralibus impetiente decrevit, eoque minor fit, quò locus Arteriæ, cujus hic meminimus, cordi propinquior. In omnibus igitur venæ sectionibus, loco resecto, sanguinis accidet Derivatio. Hæc autem pro majori, vel minori sanguinis eliciri copîâ, major, minorque; pro majori, vel minori sanguinis in corpore contenti, item; præterea magis aut minùs velox, prout celerius, lentiusve per venæ apertionem effluet cruor. Vix benè incœptâ sanguinis missione, incipit & Derivatio: copîâ sanguiniseducti crescentem, crescit derivationis impetus: modò finitâ sanguinis missione, magis quàm alio tempore. quolibet, augetur: illaque perfectâ citò decrevit. Deletâ jam Derivatione, pars ex quâ sanguis eliciri fuit, eodem modo, eandemque proportionem quâ cæteræ corporis partes, Egestionis fit particeps. Ut Derivationem aliquam omnis parit Egestio, ita Derivatio omnis Revulsionem infert; quâ enim proportionem Sanguinis Missio novam cruoris quantitatem derivat in arteriali tubo, venæ sectæ correspondente, simul aliis ab Arteriis eandem sanguinis alioquin huc fluxuri quantitatem avertere debet. Ad omnes verò attinet ea Revulsio corporis partes, quæ ab aliâ quâvis Arteriâ, quàm ab Arteriis è trunco apertæ venæ continuo, germinantibus, sanguinem excipiunt. Necnon induci Revulsio potest à partibus, quæ è quibusdam Ramis trunci ipsius, patefactam in venam transfundentis, sanguinem hauriunt; ubi quantitate sanguinis in corpore minimâ, hisque trunci Ramis cordi proximioribus, à Revulsione Derivatio superatur; verum hæc pro quantitate sanguinis, & pro Rami à corde distantia, Revulsio variatur: quum è contrâ Revulsio, quâ sanguinis missio afficit Arterias, quæ ab arteriali trunco venæ sectæ respondente, à corde simul ut exeunt, divelluntur, certa est penitus & rata. Hæc autem Revulsio, Derivationis in opposito trunco factæ, modum ad amissum sequitur; ut enim uberior in arterialem truncum disfluit sanguis, ita parcius in oppositum truncum præcisè manabit. Stat igitur pro sanguinis eliciri quantitate, addamus & pro cruoris in corpore contenti copîâ, Revulsionem majorem esse, aut minorem. Item pro majori, vel minori sanguinis per venæ incisionem exeuntis velocitate, magis aut minùs cita Revulsio. Tamdiu permanet Revulsio, quamdiu Derivatio ex quâ pendet: unusque tunc per-

manens



manens effectus, veræ sectione ubicunque factâ residuus, scilicet est Egestio, quæ omnes proportionem servatâ, jam sublevar partes. Abs Revulsione cerrâ efficiunt depletio propria & specialis, quæ Egestionis catholice, in affectâ parte ab emissio sanguine productæ, commodum exaggerat: sanguinis ex illâ rëditum adjuvat: copiam hujus accedentem imminuit, impetumque coercet: vasa mox mox dirumpenda exonerat: partes ibi timidiore demittit: interim defluit venis agitatæ sanguis, concidit calor, fugiuntque dolores; quid memorem? majorem dat sanguinis emissioni vim, partique laboranti efficacius applicat effectum. Ipsâ scilicet nifus sanguinis ad partem affectam affluentis semper, avertitur; & ad oppositam convertitur, illiusque morantis tollitur obex, promovetur reditus, atque vasorum suscitatur contractio. Plura verò, pessimæque imminent incommoda, à Derivatione factâ in partibus tensis, ingurgitatis, inflammatis; aut inflammationi proximis, in quibus agere circum-agitur sanguis, & quibus nova sanguinis repente subruentis accessio ipsum in illas partes projiciendo; harumque vasa præconcrendo, determinat infarctus, augetur. Quid abs veterum erroribus defiscere cessas? cujuscunque ætatis veritati cedere, amplius ne recuses.

#### IV.

NONNULLI etiâ peritissimi tantò cultû & amore Antiquitatis venerandæ capiuntur, ut hujus ætatis nostræ viros suprà veterum sensus efferrî cogitando, vitio tribuant; ac indignentur; quibus erroris notam ascribi, imò ab ipsorum sententiâ discedi periculosum esse, paritèr ac odiosum clamant. Dùm omne ad summum perducitur doctrinarum genus, immutare nefas, aut addere aliquid in Medicinâ, quæ cæteras inter Artes, Ars maximè longa! Fragilis eheu brevique vita hominis; undè sæpius inchoat, minùs absolvit homo: & quæ adumbravit ætas prægressa, vulgò perficit proxima. Immo illi quidem, usum & earum quas ad Medicinæ præcepta invenerunt nostri, rerum applicationem improbant. Aut in exercendâ Medicinâ proficere theoreticem negent, aut quidquid speculativam ditat, eo præceptum promoveri fateantur si necesse est. Nemo sanus utilitates in theoreticæ, Mechanicarum ope, perceptas non agnoscit. Quam enim amabo demonstrant elucide proprios partium corporearum actus, quantum notiam suppetit Aëris accuratam adeo, adeo sæculis prioribus altioreni, ut ipsi veteres, si modò reviviscant, hæc in Arte rudes, Recentiorumque Discipuli viderentur. Edocente scilicet Aëris circularis motus fluidorum inventus, ac demonstratus est: atque vasorum Magnitudo, Distributio, & Directio manifestè patent. Jam verò quantos Ars hydraulica, quæ liquorum corporis in vasis fluxus nobis clariùs innouit, tulerit fructus, quis memorare queat? Ipsorum autem incentivum in corpore humano, Aeris momentum, cujus proprietatum Notitia ipsis debetur temporibus. Humanum vero corpus, hydro-pneumo-statica Machina. His igitur in fontibus hauriendi sanguinis missionis effectus; Egestio, Derivatio, Revulsio, tres illi scilicet individui semper; semper à se penitus discrepantes. Turpitèr allucinatur quidem quisquis uno Derivationem, ac Revulsionem disserere vocabulo putat, quòd una necessario sequatur alteram, hujusque sit proximus effectus; hoc ultro demus: at variis in partibus, diversisque sub respectu. Ita ne verbis ludere integrum? omnibus hercule sic abutatis. Sui cuique sunt Derivationi, & Revulsioni speciales effectus; ipsos, qui, quàm variè sint discernere non valeat, in errores labitur maximos: semper in incerto, semper in variatione sensus damnosè fluctuat. Derivationi è diametro opponitur certa, Revulsio: hæc ab illâ differt, ut effectus à causâ. Revulsio namque nihil aliud, quàm imminutio, quæ cruoris quantitati quibusdam in vasis fluxu, sanguinis missionis ratione accidit; sive differentia est majorem inter cruoris quantitatem, quæ ibi fluëbat, &

minorem quæ dum perficitur sanguinis missio, nunc manat. Derivatio è contrà cruoris adjectio est per sanguinis missionem, fluentis; hæc se habet pro vasorum in quibus sit, distantia abs Arteriâ ipsâ, quæ sectam in venam definit; Arteriarum verò Rami certæ Revulsioni obnoxii, æqualiter hujus participes sunt. Hæc autem in aquâ semper est proportionem Revulsio, cum Derivatione, cum ad magnitudinem, tum ad velocitatem: ambarum quæque harum ce proprietatum, effectus habet impares; hos non distinguere, errare est. Derivatio, Revulsioque possunt esse magna simul & lente; parva simul & veloces; quod in Pulsus varietate observatur, huc conscribi potest; ita Revulsio parva, sed velox, in Inflammationibus fieri potest utilior, quàm Revulsio major, sed lenta. Jam verò à derivatione, minùs aliena Revulsio incerta, sive *variabilis*, quæ nimirum in ramis trunci sectam in venam effluentis conficitur; Sanguinis missio videlicet derivatione truncum afficit undè germinant Rami, quorum unus sectam ad venam tendit, alii verò hique cordi proximiores allunt partes, è quibus Revulsionem accidere supponimus. Ab eâ derivatione varii proveniunt, quos incerta patitur effectus Revulsio; scilicet pro variâ Arteriarum origine, copiamque sanguinis in corpore contenti, nec-non & pro diversâ cruoris elicti quantitate. Varia dum sit Revulsio, venâ compressâ, statim cruor sectione venæ derivatus, eundemque codem in vase motum, & tenorem aliquandiu servans, lateralibus trunci Arteriis, præcluso exitu, jam succedit, quasque alluit partes, aggravat, donec assuetus sibi restitutus sit motus; hinc dubium Revulsionis incertæ & mutabilis commodum, sæpius dirimit certum derivationis incommodum, quàm cruoris copia sufficit derivationi consocienda intra Arterias ipsas, in quibus nunc nuper erat Revulsio. Igitur ad eas tantum Arterias trunci, derivatione jam affecti, variam pertinet Revulsionem, ratum sit, atque constitutum. Veteres in legibus quas se se distribuendo, fluendisque servat sanguis, nequâquam oculati, varios variis venæ sectionibus, profperos effectus tribuebant, certâ, ac incertâ Revulsioni potiùs tribuendos; ideoque perpaucas corporis partes, è quibus sanguinem non elicerint. Felices qui derivationi immerito dantur effectus, hosce Revulsio sibi vindicat. Sic allucinati derivationis fautores, sicuti plerique veterum, sententiam propugnant, alterutri ratas ob Curationes, quæ causam arguunt Revulsionem incertam, non derivationem; ita post multam sanguinis effusionem, abs ipsis commendata derivatio, verè erat lateralis Revulsio. Luculentum quidem rei suppeditat monimentum, sanguinis è Jugulo missio; hæc, quàm per venæ *Jugularis* externæ sectionem efficitur, exitum sanguini, exteriore capitis parte refluo, facilem præbet, reditum accelerat, hincque cursum adjuvat sanguinis in externâ *Carotide* Arteriâ, cujus rami, externæ *Jugularis* venæ ramis omninò respondent; sicque venæ sectio derivationem sanguinis inducit hanc in arteriam, proindeque canalem in arterialem, eandem ad arteriam à corde protensum. Si quantitas ergò cruoris, quam sanguinis è Jugulo missio communem in truncum insuper allicit, superetur ab eâ, quam externam in *Carotidem* simul eadem derivat sectio, unam sanguinis, internam in *Carotidem*, indeque in cerebrum, alioquin solito more fluxuram partem, externam ad *Carotidem* diverti, constat; undè *Carotidis* rami interni respectu, Revulsio sit lateralis, liberando cerebro utilis. Ex his liquet sanguinis è Jugulo missionem prodesse nihil, immò nocere plurimum, nisi plures alias subsequatur. Dehinc scilicet totum antea minui sanguinis pondus: alioquin si nova cruoris quantitas, ad communem *Carotidum* truncum solito copiosius determinata, superet eam quæ illinc externam in *Carotidem*, utique supra morem, derivatur, nova hæc sanguinis accessio internam ad *Carotidem* profluet, undè rata sequetur in utraq; *Carotide* derivatio, quæ cerebro malè infarcto, partemque capitis externam tanquam ad Inflammationem intumescens, plurimum nocet. Ad explicandos sanguinis è Jugulo missionis effectus, quæ dixi

mus; dignoscendis etiã sectionis arteriæ temporalis effectibus inservire possunt, ut-potè *Cavotidis* externæ furculus, temporalis arteria. Sic indicantur quæ sint nocitura, quæ profutura sint, quibûsque auxiliis vincere natura possit. Nil moreris: incerta pro certis muta; jam morbi naturam noscis: summum applica Remedium.

## V.

QUÆ res in Medicinâ duæ plurimum hodiè possunt, eæ contrà nos ambæ faciunt in hoc tempore, Auctoritas, & Ætas. Auctores quidem tùm Majores, tùm Neoterici plerique de revulsorio in Inflammationibus auxilio, vel abs nobis dissentiunt, vel ipsis sibi contradicunt. Primam autem hujus nostræ sententiæ videmus ætatem; at omnis ætatis veritas, atque veterum in Medicinâ notiones mutare, illustrare-ve licet; aliàs, quò doctus evadere Medicus, uni veterum lectioni, si crederet, memoriâ magis proficeret, quàm judicio. Hodiè quidem complures, non nisi ex Interpretatione sapiunt, atque in Auctoribus quasi stipem petunt, alienisque oculis oberrant, nec tam eunt, quàm sequuntur; hinc sæpè cadunt, cespitant-ve. A Patribus scilicet, quidquid traditum avide arripiunt: non discunt, sed de iis credunt. Suis autem abs Æqualibus, quod non simul græca commendat auctoritas, mutuari abhorrent. Medicos nimirum veteres maximo, Neotericos extrancos quidem aliquo, indigenas autem nullo colunt honore. Quod in Arte sancitum, clamant, disturbat novitatis studium! ita: sed hercule, quò plura exeurit præjudicia inventio nova, eò plurius habenda; pluribus scilicet ac gravioribus liberat erroribus. Objectum miræ speciei Antiquitas! quò remotius, eò majus illis apparèt. Ludente velut rerum in speciem abscedentium Picturâ, eminùs quasi fascinatur oculi; ita quò remotior antiquitas, eò divinitus magis sapere creditur: at verò sicut illâ cominus inspectâ, detegitur error, sic penitiùs hæ scrutata, minùs eximia animadvertitur. Contrà sanguinis intrâ vasa circum-acti Inventum, quia novum, acriter tunc disputatum est; hodiè verò contrà hujus Inventi, ad Medicinâ *Usq. n.* per debitas sanguinis mittendi leges, accommodationem insurgere, non mirùm; eâdem hæ concident sorte insectationes, quâ illæ. Perit invidia: stat veritas. Nullâ hominum, ac temporum ratione astringi profitemur; auctoritatem, auscultamus: Evidentiæ ultrò damus; illam si abs hæ dissentiat, rejicere non cunctamur, quò majore, ut par est, hominum obtreccatione ludemur, si feliciùs id quod contendimus assecuti fuerimus. Sanguinis missionum doctrina, cruoris intrâ vasa circum-actûs corollarium; hinc veteres arbitri quæstionis minime legitimi, ut-potè qui genuinam Inflammationum naturam, & determinatum sanguinis intrâ vasa cursum penitus ignorabant. De cruoris quiete error, mirè sagaces fessellit Medicos; quàm longissimè tamen à parte dolente revocandum, sæpè commendare ipsos videas, neque tunc eos illa opinio fessellit; at plures, sæpius derivatione partem, finitis Revulsione, reddebant doloribus; aut Revulsionis variæ fructus animo sentientes, Derivationis lusi Imago. His adde quod animi usque ad deliquium, sanguinem quum elicerent veteres, Derivationis tunc incommoda, catholica ferè pensarentur Egestionis commodis; *Evacuationis* scilicet magnitudine, periculosi Derivationis levabantur exitus; Egestio namque si nulla Derivationem sequeretur, hujus multò adhuc graviora, quàm vulgò, forent incommoda; nimirum sanguis dum elicitur, copiosius; quàm antea reclusum, ad partem advolat: compressâ deinde venâ, eâdem quâ antè venæ sectionem quantitate, per illam distribuitur: atque ipsâ brevi depletur; at verò semper minùs quàm cætera corporis partes; aucto namque liquidi appulsu, violantur ibi vasorum Intercapedines: inde Derivationis. lates. Frustrâ demonstratio-

nem ut declines, liquorum cursus, atque vasorum Intercapedines, vñque eorum resiliens, eadem morbido in statu, ac sano non esse, objicies; resque felicius tibi non succedet, variam humorum mutationem proferendo; hæc quidem ad venæ sectionem, non ad venæ clectionem faciunt, sed tantum modò obstructionis locus, ad id conducit. Semper culpandum igitur derivationis studium; ipsa quippè non aufert inflammationum causas: nimium scilicet liquidus motus, aut lentorem: canalis inflationem citrà obicem, tràns hunc verò illius contractionem; nimia quintiam, per Derivationem inflatione obliteratur Arteriæ pulsatio, quâ morans oppugnaretur liquor; tubuli enim partem, quæ obstructam præcedit, enixè dilatat; derivatione præterea, vicinorum crescit vasorum tumor, qui canalem ingurgitatum comprimendo fortiùs, remorati liquoris resolutioni obstat. Esto, causam aliam Inflammationum proferre conaris, semper Derivatione, majorem cruoris copiam in affectam partem adduci constabit; novo autem liquoris appulsu non eluetur Inflammationis agger; spernit enim obsequi Inflammationem ciens arteriosus cruor, inde ne venit quidem; sed ex vicinis tantum arteriæ ramis; hinc obicem transcendere nequit affluens sanguis, hinc magis ac magis distenduntur vasa, hinc distumpuntur, & addit se in spacia cruor, quàm carceribus sese effudit; sequiturque suppuratio, vel gangræna. Firmiter verò satis quàm obstitunt vasa; tunc impellens Derivationis momentum premit, adigit, condenfat, induratque obstruentem materiam, & sequitur *Scirrhus*. Emetica, dicunt, Capitis inter affectus, ægrotanti sæpiùs profunt. Age: quid tum? Sanguinis Derivatio, inter movendi conatus in capite verè ab illis producit. Esto: at profunt-ne Derivatione? Apage: plurimum hæc nocent; in Apoplexiam quippè aliquandò inducunt emetica: sputa sæpè cruenta, quandòque cruoris è Naribus eruptiones extorquent, atque inter vomendi conatus, crescit dolor capitis; quic timebit Medicus providus auspex. Depletis reverà sanguiferis vasis, caput tunc sublevant Emetica, quòd eadem vis, quæ stomachi, sympathiâ quâdam spasticum *Diaphragmati*, musculisque abdominis motum simul imprimitis, fibras suscitât, duram Matrem pari mechanica contrahat, cerebrumque strictiùs amplectatur. Illa scilicet duræ Matris, ac stomachi sympathiâ, vomitum promovent Plagæ capiti inflicte. Egessis autem stomachum prægravantibus, sæpè liberatur caput; primæ enim liberantur corporis viæ, abs matricie, quâ distentabantur, comprimebanturque; ex glandulis quîn-etiam exprimunt Emetica lentescens ibi humores, sic faciliùs sanguis ex Aortâ inferiori, per ejus ramos ad has partes defertur, proindeque minus per ramos superiores, & tunc Emetica etiam respectu capitis, Revulsiva. Adde quòd in cerebri morbis pituitosâ colluvie substantiam illius irrigante subortis, sæpiùs profunt Emetica: rariùs autem in aliis, obstructione per inflammationem vasorum ejusdem excitatis succedere deprehenditur. Derivatio ipsa nocet etiam, ubi aliàs vulgò prodest, si inflammatio; Muliebres quidem ut fluxus aut provocet, aut inducat, ultimas non tenet Derivatio: Matricis verò si cum inflammatione, sanguinis tunc è naribus eruptio, & quæcunque revulsio, valetudini restituenda semper profunt; sic ex brachio sanguinis missio muliebria effluvia restituit suppressâ, si proxima Inflammatio; Derivatio è contrâ per *Saphena* sectionem, obstructionem tunc auget, inflammationemque conficit. Jam verò prodest Derivatio quibusdam in distensionibus ventris, quas efficit minus resiliens fibrarum ventriculi vis, atque textura, simul & intestinotum, consequenter ad pressionem, quam nervi partium earum radicitus patiuntur, uti sanguine partem aliquam cerebri comprimente frequenter accidit. Hæc eadem ferè ratione in nonnullis opportuna Derivatio, Abdominis intensionibus acerbis, quæ à crispatis unâ cum distensione fibris, ut in *Hysteriis*: hæc autem, non ab inflammatione suborta distensiones, Accedit eò quòd majus inflammatæ parti incommodum



modum infert, in ipsâ Derivatio, quàm commodum creare posset Revulsio; reclusâ enim in parte, Derivatio semper major, quàm Revulsio à parte, cujus gratiâ mittitur sanguis: Æqualiter quippè partitur Revulsio arteriosis omnibus ramis, truncò, in quo Derivatio, oppositis; Derivatio autem major parti, quam secta perrepat vena: partibus verò quas ejusdem trunci laterales rami alluunt, minor; duplex namque Derivatio: directâ una, lateralis altera; illa intrâ Arterias & capillares venas quæ sectam in venam immediatè transfundunt, major; hæc verò in ramis trunci Arteriæ suppeditantis præcisâ venæ, minor. Sic Derivatio sanguinis in caput, *vertebralem*, *carotidémque* per Arteriam sanguinis missione è brachio vel sinistro, quo per *vertebralem* tantum, major etiam, quàm Revulsio; quæ eâdem sanguinis missione fit per *vertebralem* alteram, binasque *Carotides*; capitis enim respectu minor hæc Revulsio, quàm partiri hæc debeat omnes inter partes, quas inferior *Aorta*, alterâque *subclavia* alluunt; æqualis quidem ut foret Revulsio in partibus ex inferiori *Aortâ* sanguinem haurientibus, ac in partibus, quas superiores *Aorta* rami perreptant, multò major fieri deberet sanguinis missio è Brachio; vel è Jugulo: minor verò è Pede; quum ex inferiori *Aortâ* multò plures, ac capaciores prodeunt surculi, quàm ex superioribus *Aorta* ramis; qui pauciores perreptant partes. Hinc superioribus in partibus efficacior Revulsio, periculosior ad eas Derivatio. Revulsionem, sanguinis è Pede missioni, magis non ascribimus, quàm alteri cuicunque, sive in Brachio, sive in Jugulo; immò ex jam statutis, hæc venæ sectio multò sapiùs celebranda: ex dictis si quidem, inferior *Aorta* sanguinem largitur partibus multò pluribus, quàm superiores rami. Rectè sæpè fit, ut partium ex inferiori *Aortâ* irrigatarum *φλεγματῶν*, comites habeat inflammationes partium quas perreptant superiores rami; hinc sapiùs determinanda Revulsio ex superioribus partibus, quàm ex inferioribus; nostræ quia sollicitudines multò sunt de Capite graviore, quàm de quacunque corporis parte Revulsioni subjectâ. Sic agendum in variolis, in quibus corporis superficies sæpè tuberculis obducta, ita in capite per externam *Carotidem* difficiliùs fluens sanguis, per internam copiosius fertur; illucque difficiliùs revelitur, ad reliqui verò corporis superficiem, potissimum per inferiorem *Aortam* defertur cruor, hinc sanguinis cursus in hæc minutus, augetur in superioribus ramis, ubi minor resistentia ex parte cerebri, quod faciliùs comprimitur, inflammaturve; utilis proinde, ac necessaria sanguinis missio è Pede in variolis, ut fortius inferiorem in *Aortam* appellatur cruor, quod *variolarum* eruptionem feliciter sæpè promovet, nimiam glandularum cutis astrictionem remittendo: ipsarum sæpè texturam firmando. De *Saphena* sectione, mitte nimias super pulmonibus curas, quum omnis sanguinis missio, horum respectu, mcrè deplens: ex altero quidem cordis ventriculo, quàm qui venæ secta in quacunque corporis parte, suppeditat, mutuatur sanguinem. Cordis ratione, item & pulmonum, communisque trunci *Aortæ*, nulla fit Derivatio, Revulsio nulla, sed Egestio, hujusque sunt citiùs participes, quàm alia quavis corporis pars; pulmo quidem priùs, quàm ipsa cordis substantia, cor verò citiùs quàm *Aorta* truncus communis; hocque eò celerius, quò secta vena, cordi propior est. Per distantes verò partes, ad Revulsionem, Derivationemque, non intelligendæ partes externæ corporis structurâ remotæ; hæc etenim sumi debet distantia pro vasorum origine, atque distributione. Major autem, minorve, pro ætate, sexu, temperamento, & morbi accidentibus celebranda Revulsio, quæ, etiam minor, si celerior, efficacior: Inflammationum tutum est, ac dulce linimen, quod semper, efficax, & præfens; proximos illi tamen occupat incerta Revulsio honores. Hoc verum ubique, ubique constans, immutabilibus si quidem stabilitum legibus animalis œconomix, quæ eadem Cadomi, ac Parisiis, & Parisiis ac Madriti: par est *Mechanica*, similis partium textura, eadem naturæ admi-



nistratio, genuina temperies. Incurrat igitur ignorantiae supinae labem, hoc-ec praesertim seculo, quo clarissimam Medicinam Graeci, lucem attulerunt recta vis ingenii, *Mechanices* & *Anatopis*, jam ad ultimum quasi perfectionis Apicem adducta: vel extincta ratione prorsus, praedictio-turpi delusio aberret quisquis inter inflammationes, sedem ratam habentes, certis Revulsionis certae commodis, Revulsionem incertam, eandem ancipitem, inutilem saepe, saepius nocentem substituatur. Multo magis culpandus etiam, si derivatione tunc utatur, quae partes jam offertas onerat, nedum solvat.

*Ergo semper in Inflammationibus Revulsio.*

# DOMINI DOCTORES DISPUTATURI.

M. Joannes-Baptista Boyer.	M. Henriens Besnier.	M. Alexander-Petrus Mar- tor.
M. Desiderius - Claudius Fremont.	M. Joannes Bessé, Doctoria Hispaniarum Regina à Consiliis, & Medicus pri- marius.	M. Petrus-Joannes Buvette, Professor Regius, & à Regia Numismatum Academia.
M. Joannes - Joachimus Coslar.	M. Antonius de Justien, Regia Scientiarum Acade- mia Socius, & Botanices in Horto Regio Parisiensi, Professor.	M. Petrus Marais.

Proponebat Parisiis, PAULUS - JACOBUS  
MALOUIN, Cadomæus, Baccalaureus  
Medicus, A. R. S. H. 1730. à sextâ ad meridiem.